



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Thomæ A Kempis Canonici Regularis Ord. S. Augustini De  
Imitatione Christi Libri Quatuor**

**Thomas <von Kempen>**

**Coloniæ, 1723**

XLVI. De confidentia in eo habenda, quando insurgunt verborum jacula.

[urn:nbn:de:hbz:466:1-45773](#)

Quàm sanè profuit gratia silentio  
servata in hac fragili vita , quæ tota  
tentatio fertur & militia !

## C A P U T X L V I .

*De confidentia in Deo habenda quan-*  
*do insurgunt verborum jacula.*

I. **F**ili , sta firmiter , & spera in me .

**F**Quid enim sunt verba , nisi  
verba ? Per aërem volant , sed lapi-  
dem non lœdunt .

Si reus es , cogita quòd libenter  
emendare te velis .

Si nihil tibi conscientius es , pensa  
quòd velis libenter pro Deo hoc su-  
stinere .

Parum satis est , ut vel verba inter-  
dum sustineas , qui necdum fortia  
verba tolerare vales .

Et quare tam parva tibi ad cor  
transeunt , nisi quia adhuc carnalis  
es , & homines magis , quàm opor-  
tet , attendis ?

Nam quia despici metuis , repre-  
hendi pro excessibus non vis & excu-  
sationum umbracula quæris .

2. Sed

2. Sed inspice te melius, & agnoscetis, quia vivit adhuc in te mundus, & vanus amor placendi hominibus.

Cum enim bassari refugis, & confundi pro defectibus, constat utique, quod nec verus humilis sis, nec vere mundo mortuus, nec mundus tibi crucifixus.

Sed audi verbum meum, & non curabis decem millia verba hominum.

Ecce, si cuncta contra te dicerentur, quæ fingi malitiosissimè possent; quid tibi nocerent, si omnino transire permetteres, nec plusquam festucam perpenderes? Nunquid vel unum capillum tibi extrahere possent?

3. Sed qui cor intus non habet, nec Deum præ oculis, faciliter verbo movetur vituperationis.

Qui autem in me confidit, nec proprio judicio stare appetit, absque humano terrore erit.

Ego enim sum judex, & cognitor omnium

ogni-  
idus,  
nini-  
con-  
que,  
verè  
tibi  
non  
mi-  
en-  
ent;  
an-  
fe-  
vel  
of-  
nec  
bo  
nec  
ue  
or  
m

omnium secretorum : ego scio qua-  
liter res acta est ; ego injuriantem  
novi, & sustinentem.

A me exiit verbum istud, me per-  
mittente hoc accidit, ut revelentur  
ex multis cordibus cogitationes.

Ego reum & innocentem judica-  
bo, sed occulto judicio utrumque  
ante probare volui.

4. Testimonium hominum sæpè  
fallit : meum judicium verum est,  
stabit, & non subvertetur.

Latet plerumque, & paucis ad fin-  
gula patet : nunquam tamen errat,  
nec errare potest, etiam si oculis in-  
sipientium non rectum videatur.

Ad me ergo currendum est in  
omni judicio, nec proprio inniten-  
dum arbitrio.

Justus enim non conturbabitur,  
quidquid à Deo ei acciderit. Etiam si  
injustè aliquid contra eum prola-  
tum fuerit, non multum curabit.

Sed nec vanè exultabit, si per alios  
rationabiliter excusetur.

Pensat namque, quia ego sum  
P scru-

scrutans corda & renes , qui non  
judico secundūm faciem & huma-  
nam apparentiam.

Nam s̄ēpē in oculis meis reperitur  
culpabile, quod hominum iudicio  
creditur laudabile.

5. Domine Deus , judex iuste, for-  
tis & patiens , qui hominum nōsti  
fragilitatem & pravitatem , esto ro-  
bur meum , & tota fiducia mea: non  
enim mihi sufficit conscientia mea.

Tu nōsti , quod ego non novi: &  
ideo in omni reprehensione humili-  
are me debui , & mansuetē sustinere.

Ignosce quoque mihi prop̄itiūs,  
quoties sic non egi , & dona ferum  
gratiam amplioris sufferentiae.

Melior est enim mihi tua copiosa  
misericordia , ad consecutionem in-  
dulgentiæ , quām mea opinata ju-  
titia pro defensione latentis con-  
scientiæ.

Esi nihil mihi conscius sum , ta-  
men in hoc justificare menon pos-  
sum: quia remorā misericordiā tuā,  
non justificabitur in conspectu tuo  
omnis vivens.

CA-